

innan girðinga og merkt með aðvörunarskiltum bæði á ensku og íslenzku, svo sem hér segir: 138  
6. júlí

KEEP OUT  
MILITARY PROPERTY  
ARMED GUARDS

AÐGANGUR BANNAÐUR  
HERNAÐAR ÚTBÚNAÐUR  
VARÐMENN MEÐ BYSSUR

Inngangar að slíkum hersvæðum eru í myrkri lokaðir þar sem hentugt þykir, með slám, hliðum eða öðrum hentugum hindrunum. Innganga þessara er einnig gætt eða verðir við þá.

Sérhver, sem fer inn á slíkt bannsvæði án heimildar, gerir það á eigin ábyrgð.

## REGLUGERÐ

139  
9. júlí

um veltuskatt.

1. gr.

Ákvörðun skattstjóra eða skattanefndar á fjárhæð veltuskatts skal tilkynnt skattgreiðanda með ábyrgðarbréfi, sem skal póstlagt í síðasta lagi 1. n. m. eftir að gjaldið er ákveðið. Ef skattgreiðandi vill kæra skatt sinn fyrir skattstjóra eða skattanefnd, skal hann senda kæru sína fyrir 10. sama mánaðar. Úrskurður skattstjóra eða skattanefndar skal kveðinn upp og tilkynntur í ábyrgðarbréfi fyrir 20. sama mánaðar. Úrskurði skattstjóra eða skattanefndar má áfrýja til yfirsattanefndar og síðan til ríkisskattanefndar, sem kveður upp fullnaðarúrskurð. Kærufrestir til þeirra eru 10 dagar og úrskurðarfrestir þeirra eru jafnlangir.

2. gr.

Reglugerð þessi, sem sett er samkvæmt 10. gr. laga nr. 62 12. marz 1945, um veltuskatt, öðlast þegar gildi.

*Fjármálaráðuneytið, 9. júlí 1945.*

**Pétur Magnússon.**

*Einar Bjarnason.*

## REGLUGERÐ

140  
17. júlí

um viðauka við og breyting á reglugerð nr. 49 3. marz 1945, og reglugerð nr. 97 12. maí 1945, um skömmtnun á smjöri.

1. gr.

Auk þeirrar skömmtnunar á 2 enskum pundum af smjöri, sem heimilað var að afhenda í 2. gr. reglugerðar nr. 49 3. marz 1945, og einu ensku pundi af smjöri, sbr. reglugerð nr. 97 12. maí 1945, skal enn fremur afhenda hverjum manni innkaupaheimild fyrir einu ensku pundi (453 g) af smjöri fyrir mánuðina september og október, og gildir sú innkaupaheimild til 1. nóv. n. k., og eiga við um hana allar sömu reglur og þær innkaupaheimildir, sem áður hafa verið veittar í þessu skyni.

Skömmtnunarskrifstofa ríkisins setur nánari reglur um úthlutunina.

140  
17. júlí

2. gr.  
Innkaupaheimild sú, sem gefin var samkvæmt reglugerð nr. 97 12. maí 1945, sbr. auglýsingu ráðuneytisins sama dag, gildir aðeins til 1. ágúst, en ekki til 1. september.

3. gr.  
Reglugerð þessi öðlast þegar gildi.

Reglugerð þessi er sett samkvæmt heimild í lögum nr. 37 12. júní 1939, sbr. lög nr. 59 7. maí 1940.

*Viðskiptamálaráðuneytið, 17. júlí 1945.*

**Pétur Magnússon.**

*Torfi Jóhannsson.*

141  
17. júlí

## AUGLÝSING

um skömmtun á erlendu smjöri.

Samkvæmt reglugerð, útgefinni í dag, löggildist hér með stofnauki nr. 5, sem fylgir skömmtunarseðlum fyrir tímabilið 1. júlí til 1. október, sem innkaupaheimild fyrir einu ensku pundi (453 g) af erlendu smjöri, og gildir hann sem innkaupaheimild fyrir þessu magni til 1. nóvember n. k.

Verð þess smjörs, sem selt er gegn þessari innkaupaheimild, er kr. 6.50 hvert enskt pund (453 g).

*Viðskiptamálaráðuneytið, 17. júlí 1945.*

**Pétur Magnússon.**

*Torfi Jóhannsson.*

142  
8. ágúst

## AUGLÝSING

um kosningu alþingismanns fyrir Norður-Þingeyjarsýslu.

Þar sem Gísli Guðmundsson alþingismaður hefur sagt af sér þingmennsku sakir vanheilsu, er nú orðið autt sæti alþingismanns fyrir Norður-Þingeyjarsýslu.

Fyrir því er hér með, samkvæmt 135. gr. laga nr. 80 frá 7. sept. 1942, um kosningar til Alþingis, skipað svo fyrir, að kosning skuli fara fram þriðjudaginn 18. sept. 1945 á alþingismanni fyrir Norður-Þingeyjarsýslu í stað hins fráfarra þingmanns, og er framboðsfrestur útrunninn 17. þ. m.

Samkvæmt 2. mgr. 19. gr. nefndra laga er mælt svo fyrir, að auglýsingarfrestur sá, er getur í málsgreininni, skuli falla niður og samkvæmt heimild í 23. gr. sömu laga er enn fremur frestur sá, er getur í 1. mgr. 19. gr. laganna, stytur þannig, að kjörskrár skulu lagðar fram 5 vikum fyrir kjördag.

Loks styttestími sá, er kjörskrár eiga að liggja frammi, þannig að hann verður 2 vikur, sbr. 3. mgr. 19. gr. kosningalaganna.